

21034/07
種 五 十 第

重訂痧疫指迷要

重訂痧疫指迷第十五種提要

二

重訂痧疫指迷一卷爲雲間費養莊先生編輯如皋顧曉蘭先生重加評訂費顧二氏俱爲有清名醫痧疫各方收採極精對於霍亂各症尤爲推究精詳已故社友徐石生君手錄價讓於裴君吉生第一爲急救溯源第二爲辯證要訣第三爲急救閉症方第四爲治時行霍亂簡便章程第五爲摘錄霍亂論守險預防要法第六爲霍亂轉筋外治法讀之於痧疫症自易明辨

511.00
478
2:15

本 庫

三三醫書第一集總目

11	10	9	8	7	6	5	4	3	2	1
外科方外奇方	醫蟲燃犀錄	村居救急方	訂時行伏陰翳言	癰科全書	喉科秘訣	醫階辯證	醫病簡要	醫經秘旨	醫事啟源	溫熱逢源
22	21	20	19	18	17	16	15	14	13	12
專治癰痧初編	新刊診脈三十二辯	內經辯言	舊德堂醫案	推篷寤語	凌臨靈方	重訂靈蘭要覽	重訂痧疫指迷	沈氏經驗方	臨症驗舌法	欽論經旨
33	32	31	30	29	28	27	26	25	24	23
南病別鑑	曹仁伯先生醫案	本事方續集	馬培之醫案	醫源	宋本備急灸法	秋瘡指南	蘇州世醫陳氏幼科秘訣	先哲醫語	本草衍旨	評註產科心法

三三醫書第一集總目



35 10 1

重訂痧疫指迷目錄

急救溯原

辨證要訣

急救閉症方

治時行霍亂簡便章程

摘錄霍亂論守險預防要法

霍亂轉筋外治法

重訂痧疫指迷目錄



注 意

治急症必須預備靈
驗速效之藥此種藥
方在隨山字方鈔中
甚多凡欲修自備或
臨證施治或送人請
費洋二角購該書一
冊自是用之不盡也

重訂痧疫指迷

三三醫書第一集第十五種

雲間費養莊選輯

雒皋顧曉瀾評訂

鴛湖徐石生重錄

紹興裘吉生校刊

急救溯原

時行霍亂及痧脹溫疫諸病其最關緊急判死生於頃刻之間者莫如閉痧而救閉之藥非倉猝所可辦故欲製丸散以濟世急者莫如先備開閉之藥但閉症有寒熱二種勢同冰炭倘以熱治熱以寒治寒則是助邪爲虐害必更烈讀近日外間所送痧藥丸藥諸方雖皆屬有驗之陳方而藥味則率多燥烈施之風餐露宿受寒濕爲病者固頗合宜若施於感暑燥熱而成者則大相悖謬而今年夏暑太酷加以亢旱不雨秋燥又甚其爲病也寒濕當少燥暑必多苟寒

重訂痧疫指迷

熱不分但以一種燥烈之藥混同概治恐非徒無益而又害之矣惟是患病之家既不能識寒熱之情形而送藥者又不能深諳醫藥况博施濟衆之事又焉能盡人人而問之誠恐功不補過矣豈送藥之本心哉鄙人之意不若製寒熱通用之藥以濟世急惟太乙紫金丹一方薛一瓢稱其比蘇合丸而不熱較至寶丹而不涼兼玉樞丹之解毒備二方之開閉洵濟生之仙品立八百功之上藥足可內服又有飛龍奪命丹一方王夢隱稱其芳香辟穢化毒祛邪宣氣通營尤妙在人中白一味駕輕就熟爲使迅掃濁邪下趨濁道有馬到成功之捷其全體大用有斬關奪隘之功而具起死回生之力足可外吹二方藥味不熱不寒寒症熱症均可通用實爲兩便急宜修合以濟急需博愛好善之士能選料預製而廣傳之其利溥矣

按市售痧藥者莫若揀選道地藥品依法預製四方丹藥以備應急固可濟

世又能銷售豈非雙方並進有利無害之善舉哉然較之痧氣丸功用大相逕庭痧氣丸中茅朮雄黃冰麝蟾酥等僅治寒濕受病而暑熱症用之是抱薪救火往往悞事以上四方寒熱皆宜今特揭出以廣其傳播云爾

辨證要訣

嘗稽寒閉熱閉二症以紫金飛龍二丹相通應用可無貽害惟更有慮者閉症與脫症每每相似苟係脫症而與以閉症之藥則又速其死矣醫者臨證務要確切辨明形症然後用之若遇索藥之人尤當問明病原與之庶不致悞茲列形狀於右

閉症形象手指麻木神迷似昏爪色或板或青心胸或煩或痞其劇者四肢如冰兩手無脈神情躁亂口噤難言面色或紫漲或灰垢而呆腹中或脹或痛顛倒不安而悶或唇口爪甲皆青手面皆黑甚則神昏不省其脫症形象

亦往往大略相同但脫症汗多閉症汗少閉症神識多於迷蒙脫症神識多於清爽閉症小便短澀赤黃脫症小便清長不熱脫症舌胎多於宣潤而和閉症舌胎不拘或黃或白必粘膩渾濁閉症之脈忽然便無脫症之脈漸次而絕以此數款辨之似可無所逃情

按此篇是辨症絕大之關鍵死生之出入也要在細心體認庶免貽誤之憾至於閉症與脫症與尋常霍亂有間又不可不知也然辨別之訣宜研究於初候自無惑焉若初起纔覺吐瀉但見手脚作麻胸口滿悶頭目昏蒙面色或灰垢或紫漲兩眼白睛泛紅更問其先覺神氣如蒙渾渾然如處雲霧者便是時行霍亂蓋感受穢濁時氣也如無自覺神氣如蒙若雲若霧面色紫漲手足心如烙等症便是尋常霍亂也

急救閉症方（寒閉熱閉均可通用此下三方用以救急）

太乙紫金丹

治霍亂痧脹時氣溫疫嵐障中惡暑濕溫疫之邪瀰漫熏蒸神明昏亂諸症

山慈菇二兩 川文蛤二兩 紅芽大戟一兩五錢 安息香一兩五錢

蘇合油一兩五錢 千金霜一兩 血琥珀五錢 上梅片三錢 當門子

三錢 白檀香一兩五錢 明雄黃飛淨五錢

十一味共研極細末研勻濃糯米飲杵丸如藁豆大外以飛真金爲衣每服錢許涼開水下 孕婦忌服

此方藥料甚貴有力者能合全料更妙否則合半料或合十分之一均量力而可也蓋此種閉症不多俟送完接續再合亦無不可

飛龍奪命丹

治感受溫暑障疫穢惡陰晦諸邪霍亂轉筋痧脹疔痛（腹中急痛也）心腹

悶塞煩躁顛倒不安手面遍身青黑四肢冰冷兩手無脈脅亂昏狂神昏危急及時症逆傳神迷狂譫機竅閉塞諸症

硃砂飛二錢 西牛黃二分 當門子三分 眞珠三分 人中白漂煨八分 明雄黃飛一分 杜蟾酥一分五厘 蓬砂三分 梅冰四分 明礬五分 燈心炭一錢 火硝一分五厘 牙皂三分 麻黃去節四分 青黛飛五分 飛眞金三十頁

十六味各研極細末合研勻瓷餅緊收毋令泄氣以少許吹鼻取嚏重者再用涼開水調服一分 小兒減半孕婦忌服

凡遇神昏不省或雖省而自覺如蒙如霧渾渾不清兩手忽然無脈肢冷無汗小便短澀赤黃舌胎不拘何色必粘膩渾濁再兼見上條方下所註症候者均宜急與此丹

如遇神氣清爽自汗甚多小便清長不熱舌胎宣潤而和兩手脈逐漸細小非忽然便無者便是脫症切不可再與此丹切囑

速效丹

治諸痧手足麻木牙關緊急目閉不語胸背有紅點或咽腫心痛及風餐露宿寒暑雜感危急之症

北細辛三錢五分 桔欖一錢五分 貫衆二錢 製半夏二錢 白芷一錢 牙皂三錢五分 陳皮二錢 薄荷葉二錢 防風二錢 廣木香二錢 硃砂二錢五分 甘草二錢 桔梗二錢

十三味共研細末瓷餅緊裝毋令泄氣每用三分吹入鼻孔寒濕內盛而病重者開水調服一錢

孕婦有忌服紫金丹 奪命丹者則以此速效丹代之

按此方卽道光元年治麻脚瘟之方載在瘟疫彙編其藥計十五味照此方多降香藿香雄黃三味少廣木香一味今世施送改名雷擊散如合此方卽將明雄等三味補入亦無不可

此方價值甚廉功效亦著施之風餐露宿之人感穢濁惡氣而爲痧脹霍亂諸病氣機閉塞者亦頗合宜不妨多爲修合以補四鄉廣送也

定亂丸（此方用以祛病）

治伏暑霍亂及時行溫熱疫癘諸般霍亂初起纔覺手脚作麻胸口滿悶頭目昏眩神氣如蒙若雲若霧隨卽吐瀉交作便宜服之

並治感冒穢濁邪氣寒熱痧脹（痧症脹症俱有寒熱二種）及寒暑雜感伏暑化疫等症

香薷一錢 澤瀉二錢 眞廣木香四分磨入 廣陳皮一錢 小川連五

分 白檀香四分磨入 紫蘇梗八分磨入 生香附二錢 白茯苓三錢
上朴五分 炒山梔二錢 江西香豉四錢 甜白朮一錢五分 白扁豆
一錢 生甘草二錢五分 生香附二錢 真廣藿香二錢
照方配十劑或五劑研細末水法爲丸每服三錢用真廣藿香二錢真陳皮
一錢五分煎湯送下

如舌黃心煩者加益元散三錢晚蠶沙四五錢同煎如胸悶氣塞者加苦桔
梗二錢枇杷葉(去毛)三錢蟬退二錢同煎如腹痛者加石菖蒲八分白薤
仁五分省頭草二錢同煎腹脹者加水炒川厚朴五分大腹皮二錢同煎
受水毒者加貫衆三錢同煎

以上數方閉症可用脫症切不可用而閉症與脫症形象往往相似不可不
慎思而明辨之

治時行霍亂簡便章程

痧症有寒熱二種霍亂有風寒暑濕溫熱疫癘數種至於吐利腹痛似霍亂而非真霍亂者則其種類尤多令人一見吐瀉先事驚慌針刺亂施痧藥亂服不但無濟恐反悞事故特將是否此症形狀開明遇此病者照單對證用法開列於後

一纔覺吐瀉但見手脚作麻胸口滿悶頭目昏蒙面色或灰垢或紫漲兩眼白睛泛紅更問其自覺神氣如蒙若雲若霧者便是感受穢濁時氣或成痧症或成霍亂急宜內外兩治 再解散病人頭髮細看如有赤色者卽拔去之再脫其衣細看胸背如有長毛數莖必盡拔之此熱毒深入營分也

一外用皂角末或通關散或痧藥吹鼻取嚏（卽紅靈丹塘西丸）

一取嚏不問有無隨繼以刮凡肩頸脊背胸前脇肋兩肘灣兩膝灣等處皆宜

用磁碗口或厚邊青銅錢蘸菜油自上向下刮之以紅紫色綻方止景岳云凡毒深病急者非刮背不可以五臟之系咸附於背也（按五臟六腑皆繫於背刮法誠解毒散邪之捷法前哲用之屢效）

一刮後繼之以刺今世針法失傳凡須放痧者往往取材於脩髮匠多不知穴道在何地方但孟浪下針以多爲貴實屬有損無益不若用刮法爲妙惟少商尺澤曲池委中四處自家人亦可會謹開部位於右

少商（在手大指頭內側去爪甲角如韭葉）尺澤（在兩肘灣約文中）曲池（在肘外輔骨屈肘曲骨之中）委中（在兩膝灣）

按此四穴乃痧疫轉危爲安之捷徑

刮後凡見有紅筋紫梗起或露出紅點卽用銀鍼輕輕刺破擠出惡血

一於吹鼻後用刮法一面用天水半碗煎百沸（如無天水河水亦可）新汲井

水半碗和勻令病人服下或少刻再服一碗稍停又連進一碗（此名生熟水）

一服生熟水後看其情形如病勢緩者即用定亂丸一付或連服二三付用廣陳皮廣藿香煎湯送下 一二日內忌食米粥湯如飢用冬瓜苡仁煮湯代之（二週時內忌食米粥）

一病勢重急者毒邪犯臟氣閉塞經絡不通死亡頃刻是爲閉症外用痧藥吹鼻內急服太乙紫金丹或磨玉樞丹灌之（玉樞丹卽紫金錠丸藥店有現成者）孕婦忌服（另以速效丹代之）其證四肢如冰兩手無脈（忽然便無非逐漸細小而絕者）神情躁亂目陷聲嘶唇口爪甲皆青手面皆黑甚至神昏不省者其轉筋腹痛則或兼或否但驗其吐出酸穢瀉下臭惡如火小便點滴黃赤熱短面色紫眼睛紅舌胎黃膩或白厚粘濁者爲感受熱

毒瀉水不臭小水清白舌胎灰白潮薄口中生水雖渴而不欲多飲者爲感
受陰毒熱閉宜用八寶紅靈丹紫雪丹陰閉宜用霹歷散蟾酥丸回陽膏之
類但病家茫昧者多况倉猝之際恐難辨別不若用玉樞丹太乙紫金丹不
問寒熱均可無礙

一吐瀉太多元氣耗散肢體如冰冷汗頻出脈微欲脫者是爲脫症急宜大劑
參附理中四逆回陽等法救之外用回陽膏貼臍中（卽時下施送之硫黃
散又名感應靈丹孕婦忌貼）

一霍亂轉筋吐下已多脈無氣短大汗欲絕者置好醋二三斤於病人面前將
鐵器燒紅頻淬醋內使聞其氣卽可轉危爲安足冷者另搗生附子二兩貼
涌泉穴（其穴在兩足心）再按症用藥以挽回元氣不論寒熱二種凡元氣
欲脫者皆當亟用此法並治產後昏暈